

РУДЕНКО, Элст балгъсна „Победа“ колхозин ах зоотехник

Ўвләр болн эрт хаврар хөд хургълуллгъна сән чинрнь ода олнд медгдджәнә. Хөн малан өскхин төлә, теруна ноосна гарцинь икдүлхин төлә эртәр хөд хургълуллгъиг, аргъта болхла олар кех кергтә. Бидн хөн малан 36 минъгънәс 45 минъгънд күргхәр темдглджәнәвдн. Энүг күцәхин төләд нәәднр хөөдин, багъ гихдән 70 процентинь эртәр хургълулхар белдджәнәвдн. 12 кошар болн дулан катг тосхк кергтә. Эн джилд малин хотин культур тәрлгън зөвәр икдджәнә. Эрдни-шишән тәрән 1600 гек-

тар газрин агъу эзлхмн. Эрдни-шишән силосиг газр деер дардж белдлгъиг өргәр кехәр седджәнәвдн.

Мана колхозникуд эврәннь эв-аргъан тоолад, саалин нег үкр болгънас 1200 литр үс саах, 100 хөн болгънас 110 хургъ авх, нег хөн болгънас дундлад 5,8 килограмм ноос киргъх, өндглдг нег такагъас 110 өндг авх даалгъвр авсмн. Партин боли правительствин дуудврин хәрүд селәнә эдлахун эдл-уш—мах, ноос, үс темдгтә икәр гархкин төлә цуг чидлән, медрлән тәвнәвдн.